

夏縣志卷首

目錄

卷首

原序

羅序

蔣序

言序

例言

十四則

圖

卷一

輿地志

沿革
星野

堤堰

疆域
橋梁

形勝
風俗

山川
物產

古蹟

卷二

建置志

城池

官署

學校

倉廩

營汛

卷三

祠祀志

壇 廟 祠

卷四

賦役志

地糧 丁糧 雜稅 鹽課 戶口 差徭

卷五

災祥志

祥異 兵災 荒災

卷六

官師志

宦績 歷任令佐 歷任教職 歷任武職

卷七

人物志

賢才

卷八

人物志

選舉

仕籍

仙釋

卷九

人物志

列女

卷十

藝文志

文

賦

詩

夏縣志卷五

知縣黃縉榮重修

災祥志

祥異

兵燹

荒災

嘗考洪範五事脩則休徵應五事失則咎徵應雖曰
天命豈非人事哉然堯有洪水之憂湯有桑林之禱
聖人在上不能必有常而無變惟在防維之補救之
而已夏邑前代之災祥吾聞之矣祥瑞不恆有而偏
災變亂之交若民躬受其禍然未有荒旱頻仍死亡
過半如近數年者我

皇上深仁厚澤蠲賑兼施始獲救殘黎於水火牧民者苟

秦越視之獨何心哉茲篇略瑞應而紀災特詳俾觀者知所警惕焉

祥異

元成宗大德七年八月辛卯夜地震平陽太原尤甚村堡移徙地裂成渠人民壓死不可勝紀 明嘉靖十

三年十月星隕如雨 三十四年臘月十二日夜地

震有聲如雷蒲解夏爲尤甚城摧隍湮土湧井沸官

廨儒學兩廡城隍禹廟溫公書院皆圯毀惟大成殿

獨存壓死人民殆及千數

邑人馬繼詩嘉靖乙卯臘十二夜方半熟寐聞雷

大地忽震撼披衣走出屏樹搖目眩亂但見我屋破不知民舍爛死者哭相連生者坐浩歎城垣盡崩頽

井溢流汗漫平土陷爲坑窪田踊城岸親戚幸生存
奔走喧憂患相見忻問慰俄頃海桑換百家無一完
十室九塗炭四望俱曠野外寇何由捍鄉村無籍兒
乘機擾良善白晝奪積糧人人俱離散數月地時動
露宿股恆顛一夜四五驚訛言恣流煽或云盜猝至
或傳地當陷度日眞如年何時復安宴從蒲至關陝
無廬可完繕水涌若墨漆米貴似珠鈿我欲託巫咸
上奏通明殿飛章徹蕊陛恩綸頒禹縣收回劫地神
鼇極令末奠蕩氛洗甲兵回祥消
禍變重見太平春八表和風扇

三十五年黑靄

見萬厯十八年穀多雙穗 崇禎七年夏有流星

出參宿間有聲紅光如縷直垂至地良久方滅大旱

八年旱月赤如血 十五年六月地震

國朝順治元年日有五色 六年秋地震 康熙三十

年四月朔地震 雍正五年春三月城東西北三面

忽聚蝦蟆積高半尺許緊圍城根禱八蜡神明晨無
一存者 乾隆三年十月地震 二十七年元旦日
月合璧五星聯珠 嘉慶二十年九月二十一日地
震壓斃大小口十五名坍塌民房八十餘間土窖二
十餘孔有司祥報蒙

恩撫卹由河東道發給掩埋骸骨修理房屋銀九十六兩
六錢五分 咸豐十一年八月朔日月合璧五星聯
珠 同治元年冬月地震 光緒五年五月十一月
兩次地震皆自東北而南

兵災

隋大業末王君廓掠夏長平河東丞丁榮拒之且遣使
慰召君廓見使謬爲欲歸首者榮輕之因乘兵登山
君廓悉伏甲山谷中榮軍還掩擊破之唐武德二
年劉武周寇大原夏人呂崇茂以縣應賊詔永安王
孝基爲行軍總管攻之工部尙書獨孤懷恩內史侍
郎唐儉陝州總管于筠隸焉筠請急攻城絕外援且
當有變時懷恩挾異計紿說孝基曰夏城堅攻之引
日宋金剛在近內拒外疆一敗塗地不如頓兵待秦
王破賊則夏自孤此謂不戰而屈人也孝基謂然會
時遲敬德至與崇茂夾彖官軍師遂大敗孝基及筠

等皆執於賊 元至正間天下大亂邑令陶執中據
守夏民賴之以安二十九年明兵下河東執中不降
棄城去 明嘉靖間有道士寓居溫泉山識其中有
銀礦洞私煉自給後漸聞於人鄰壤羣不逞率競取
而河南盧氏諸縣礦徒因來刼取殺人甚衆四十一
年巡鹽御史王竹崖聞於朝移檄河東派民兵藥箭
手禦之芻餉取辦於邑人征徭頓加三千餘兩爲邑
鉅害又命平陽府同知李暘谷駐節於夏以鎮靖之
萬厯十四年歲飢河南亡命角腦尙登等張旂號糾
衆二千餘人渡黃河盜沙知縣員維蓁申達當道調

撥官兵迎戰被賊縛去指揮李材並殺傷軍人王三等數十人主簿王寵挺身向前宣諭朝廷法度陳以利害礦賊驚服扶送李材還營當道復調指揮李世廕等率兵驅逐始解散後每冬添設平陽衛軍兵八百布黃河渡口並礦山防護歲以爲常二十五年爲三殿大工差宦官張忠駐夏採礦邑人裴守詩東山知寶藏興山利不慮烽烟起塞愁欲奏一章無路達看來尙百憂洞口哀哀收白骨街頭粲粲醉紅樓但可爲痛哭淚雙流時役夫多壓死至三十三年砂盡而礦徒逐日宴樂故項聯云云

停止忠封洞去留兵守護後以軍兵搔擾知縣胡柟申請撤回以省祭官充藥箭手代之至國朝康熙

四十六年有奸人高華復請開礦旋以欺罔治罪夏民乃安堵矣

國朝順治六年流賊擾夏知縣劉之屏守城殉難十二年巨寇張五盤據夏縣山中分守河東道班璉密偵動靜會兵深入擒之 咸豐三年八月髮逆擾垣曲時昇平日久忽遭風鶴之警人心惶怖城內居民逃避一空幸賊由曲沃平陽竄去民始安堵 同治三年賊犯河南勢欲渡河邑戒嚴時城鄉俱設民團惟器械未備軍器向有斬口砲十六位大將軍六位佛郎機十七位滅寇砲三位牛腿砲十三位虎尾砲四位二眼鎗五十杆長鎗四十杆知縣戴儒銘彈三十觔載在舊志日久遺失無存

珍設局製造軍器

計製腰刀二十六把削馬刀一百三十一口矛頭一千五百七十六

支丈八矛三百七十一支大將軍砲四位過山鳥五
根抬鎗五十根手鎗二百八十七根火藥葫蘆二千
七百一十四箇皮藥葫蘆三十六箇火叉十三支錫
鐵藥壺一百三十五箇五色大小旂共二百八十二
面火繩鉛彈硝磺號衣布袋各若干
千今現存城隍廟公所有檔備查以資守禦賊未犯

境 六年冬捻逆張總愚由陝越吉州冰橋入晉竄

擾河津及河東地方將由夏取道茅津渡河而南邑

令陳世綸督紳賈益謙等添備器械浚池練勇晝夜

巡防賊至聞喜諜知有備北犯平陽遇官軍回竄由

垣曲封門口逸去

荒災

明正統六年大飢 成化二十年大飢 嘉靖七年歲
荒民大飢 隆慶四年六月二十二日夜大雷雨山
水漲發白沙河隄潰水溢入城南流衝破鹽池禁牆
數年鹽花不結 萬曆十四年七月初一日東山大
雨暴作白沙河水漲北隄崩決南關房屋牆垣飄沒
大石覆壓宛如曠野人民死者三百有奇是年歲旱
大飢饉 十六年春大疫死者枕籍 十八年大有
秋 十九年五月至七月不雨七月二十九日至八
月十日大雨歲飢 二十八年飢 三十二年六月
初十日大雨雹禾黍棗果木綿盡傷 三十四年旱

麥不收民大飢 三十五年旱麥不熟民飢 三十
六年飢 三十七年七八九三月不雨大飢 四十
六年四月雨雹二麥損傷 四十八年蝗蝻大作歲
荒 崇禎六年白沙河決南隄徙而南石壓民田永
難開墾 九年大旱歲荒 十三年連遭大旱蝗蝻
食苗歲大飢僅斗麥值銀一兩人相食

國朝順治十年白沙河北隄決水入東門城隍廟官衙
俱被浸沒 康熙十八年八月十五日大雨至九月
二十一日止白沙河水衝入鹽池鹽花不生夏邑城
垣傾倒民居損壞田禾淹沒民飢 二十八年夏麥

不收奉

旨免地丁銀五萬八千四百四十五兩五錢一分有奇

二十九年夏麥不收荒更甚三十年二麥全無秋蝗蝻爲災大傷民禾農人急種晚秋高未盈尺遺蝻復生盡食禾苗人民賣妻鬻子道殣相望奔竄河南者數千家奉

旨免地丁銀二萬五十三兩一錢八分有奇又發賑濟銀四千三百一十八兩六錢賑濟米一千三百四十石三十一年二麥收瘟疫大作死者枕籍奉

旨發賑濟籽種銀一千三百六十五兩七錢五分三十七

年奉

旨免地丁銀五萬八千四百四十五兩五錢一分有奇

三十九年大雨白沙河水衝決北隄進城南門外鋪店漂沒各村被災四十二年奉

旨免民欠地丁銀二千四百九十七兩七錢二分八釐

雍正四年大有年五年六年七年八年九年皆大熟

十年蝗生天降甘霖隨皆消滅 乾隆八年旱奉

旨免地丁銀五百一十六兩一錢三分有奇 十年秋大

雨白沙河北隄決水入城東門門樓盡圯城隍廟西牌坊壞民居漂沒甚多 十七年旱奉

旨免地丁銀二千七十三兩有奇 二十四年旱奉

旨免地丁銀一千二百十九兩有奇隨免耗羨銀一百五

十八兩有奇 嘉慶九年大旱 十年復旱大飢

二十四年秋雨暴作白沙河水漲南隄崩決損傷民

田無數 道光元年大疫死者枕籍 二年大雨白

沙河南隄決溢入鹽池 十二年七月二十一日大

雨山水陡發白沙河南北隄皆決衝破東關漂沒集

場漫入雲路門損傷民房甚多南流衝破鹽池 二

十二年旱 二十六年旱歲歉 同治元年蝗傷稼

瘟疫作 六年歉收 光緒元年秋旱 二年旱